

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. VII. Vtrùm Angelus cognoscat seipsum per suam substantiam, an per
speciem.

urn:nbn:de:hbz:466:1-13718

cognitionem illam non producit. Respondetur hoc ad summum arguere, inesse Angelo illi debere obscuram aliquam cognitionem præviā substantiæ illius. Deinde neque hoc probat; sicut enim nos utimur speciebus & habitibus supernaturalibus, licet eos non cognoscamus, nec actū nobis inesse sciamus, ita fieri idem potest de substantiâ Angelii.

III.

Quo sensu intelligendum sit, Angelum nihil ad extra producere, nisi motum localem.

Hoc dictum capiendum est de solis actionibus realibus, non de intentionibus.

IV.

Nulum à rebus spirituitalibus ad materiales circa cognitionem productionem deducitur argumentum.

Objicies quinto dictum illud vulgare, Angelum scilicet nihil producere ad extra nisi motum localem. Resp. axioma illud à plurimi limitari, qui illud fatentur nonnullas pati exceptions. Non est ergo intelligentium axioma illud de actione intentionali, seu quæ ordinatur tantum ad manifestandam alteri substantiam rei hoc modo operantis, omnia enim ferme objecta quæ alias non sunt operativa, haec ratione nihilominus agunt, & vel speciem sui, vel cognitionem extra se producent. Sunendum ergo tantummodo est hoc axioma de actione reali, prout distinguitur ab intentionali, & sensus est nil posse Angelum ad extra in ordine ad generationes rerum efficere præter motum localem, id est non posse per se immediate res physicas producere, sed solum disponendo agentia naturalia, seu applicando activa passivas; in toto autem hoc negotio aliud nihil producit propriè Angelus, præter motum localem.

Objicies sexto: ergo & objecta materialia intime Angelo præsentia, immediate concurrere poterunt ad cognitionem sui efficiendam. Respondetur primò: quicquid fit de veritate ipsius rei, consequentiam esse nullam; facile enim dici posset, majorem, ut in entitate, ita & in operatione, inter Angelum & cognitionem spiritualem esse proportionem, quam inter rem corpoream & eandem spiritualem cognitionem. Secundò, tamen dico cum Scoto, Gabriele & aliis, nullam in hoc esse repugnantiam; licet enim objectum materiale per se adæquare effectum spiritualem producere nequeat, simul tamen cum alio compriprincipio spirituali non est cur id præstare non possit: sicut, ut suprà diximus, res non vitalis concurrit cum principio vitali ad actum vitalem, & juxta valde communem sententiam phantasia physicæ simul cum intellectu ad speciem intelligibilem efformandam concurrit, ut latius dictum est Sect. quarta.

SECTIO SEPTIMA.

Vtrum Angelus cognoscat seipsum per suam substantiam an per speciem.

I. Angelus, non per speciem, sed per suam substantiam se cognoscit.

Substantia Angelii, & præsens semper est, & potens cognitionem sui efficiere.

DICENDUM cum communi penè omnium sententia contra Henricum, cui contrarium à nonnullis tribuitur, Angelum non per speciem, sed per suam substantiam seipsum clare intueri; ita S. Thomas hic, quest. 56. art. 1. & lib. 2. contra Gen. cap. 98. & alibi, Suarez lib. 2. cap. 4. num. 7. & 9. Molina & alii. Ratio Conclusionis est, quam suprà posimus in materia de visione, dum de specie impressa Dei; species enim impressa, utpote vicaria objecti, tunc solum concurrere debet, quando objectum non est præsens, aut potens actum illum elicere: sed substantia Angelii necessario semper est præsens, habetque virtutem sufficiensem ad cognitionem illam, per modum objecti eliciendam: ergo. Primum, de præsentia, non eget probatio, cùm nihil sit magis præsens, quam idem sibi;

quod autem in ratione objecti habeat virtutem sufficientem constat, cùm namque sit substantia creata, intellectiva, perfectissima, negandum ei hoc non videtur.

Confirmatur primò: cùm enim nulla in hoc sit vel apprens repugnantia, non est cur non dicamus hoc ei competere, ut hac ratione sit causa cognitionis perfectissima, nempe immediata tam in ratione potentia, quam objecti. Confirmatur secundò: quorundam quippe sensuum objectis, ut tactus, gustus, & olfactus à multis conceditur Angelo. Confirmatur tertio: ex S. Augustino lib. 9. de sua Trinitate cap. 12. ubi ad hanc rem sic habet: *Mens cum seipsum cognoscit, sola parens est notitia sua, & cognitionem enim, & cognitor ipsa est.*

Quod de substantiâ Angelii diximus respectu cognitionis intuitivæ sui, dicendum etiam videtur de accidentibus, quæ Angelo insunt, intellectu scilicet ejus & voluntate, si distinguantur ab illius substantia; de speciebus etiam ipsis, & aliis id genibus, quæ sufficientem similitudinem habere videntur proportionem, ut per modum objecti immediate ad intuitivam sui cognitionem concurrent.

Quod si anima rationalis hic in corpore existens, non se cognoscet clare & intuitivè, est quia impletum ab extrinseco; Deus enim ob rationes quædam non vult ei præbere concursum ad hujusmodi actum, sicut respondere debent adversarii, cùm causa queritur, cur anima non habeat in via specifici claram & intuitivam sui, & aliarum rerum; dicunt enim, vel hanc ei non deberi pro præsenti statu, vel Deum secundum providentiam suam statuisse hominem hic gubernare per notitiam à sensibilibus tantum rebus habitat, ut hoc pœsto & dominium suum in eum ostendat, & sit major locus fidei, in articulis præfertim ad animam pertinentibus.

Mihi tamen non improbabile videtur quod affirmant aliqui, animam, etiam hic in via actus suis experimentaliter confusa quædam cognitione per ipsos actus ad sui cognitionem seipsum concurrentes, cognoscere: sicut enim dantur species magis vel minus clare, ita & objectum ipsum potest per se magis vel minus clare ad actus circa se elicendos concurrere.

Dices: non repugnat juxta communem sententiam duo vel plures Angelii numero tantum distincti. Ponamus ergo de facto Michaëlem & Gabrielem esse ejusdem speciei; tum sic, Michaël habet speciem representativam Gabrieli, ergo & representativam sui, species enim eadem plures Angelos numero distinctos representare potest. Resp. sicut non repugnat species expressa, quæ duo vel plura individua aut etiam species representanter formaliter, ita nec repugnat ejusmodi etiam species impressa, quæ hæc representent effectivè: sicut autem è contraria varia sunt species expressæ, quæ unum tantum representare possunt individuum, ita nec repugnat ejusmodi species impressæ. Unde non sequitur debere Angelum habere species impressam sui; cùm enim ut dictum est, semper sibi sit præsens, non est ad quid requiratur hæc species.

SECTIO